



KOMUNIKADO PA PRENSA

Fecha

21 di ougùstùs 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

MINISTER CAMELIA-RÖMER A INISIÁ E PROMÉ PROYEKTO DI INFRASTRUKTURA PROYEKTO ‘MAN NA OBRA’ A KUMINSÁ

Willemstad – Ministerio di Tráfiko, Transporte i Planifikashon Urbano (VVRP), riba inisiativa di Minister Suzy Camelia-Römer, a inisiá e proyekto “Man na Obra” (antes “Inhaalslag”) ku e meta pa drecha nos infrastruktura i krea un impulse ekonómiko pa Kòrsou.

E promé kaya ku ta bai rekonstruí ta Oude Caracasbaaiweg. Esaki ta e promé di e shete (7) proyektonan di rekonstrukshon ku ta bai tuma lugá. E otro seis (6) proyektonan ta Plasa Hariri, Erosweg/Rondeklipweg, Rotònde di Sta. Rosa, Sta Rosaweg (na altura di Beurs), Snipweg/Corrieweg i Venezuelaweg.

E trabounan di rekonstrukshon di Oude Caracasbaaiweg ta kuminsá djaluna awor, esta 24 di ougùstùs. E proyekto ta dura mas o menos 3 luna i ta enkargo di e kontratista Aliansa B.V. E trabounan lo enserá: 1) kibra e asfalt, 2) saka e fundeshi dañá, 3) pone un fundeshi nobo, 4) pone asfalt bèk, 5) traha alsera tur dos banda di kaya pa peaton por kana. Ora ku kibra e asfalt lo pone algun pipa grandi pa fangu awa di awaseru i guia esaki atraves di e pipanan pa bai e roi ku tin den e area. Di e forma aki ta minimalisá e molèster di awa ku ta keda para.

Durante e apertura di e rekonstrukshon na Oude Caracasbaaiweg, Minister Camelia-Römer a hasi entrega di un piki na e representante dje kontratista Aliansa, komo símbolo di man na obra pa Kòrsou por bira un tremendo lugá pa biba i un tremendo lugá pa bishitá.

Nos tin ku drecha Kòrsou pa e yu’i Kòrsou i tur otro hende ta bonbiní na nos isla i pesei a yama e proyektonan “Man na Obra”. Na momentu ku tin trabou, hende por traha pa adelanto di nan mes i di Kòrsou. Ademas, Minister a pone énfasis riba e reglanan di oro ku ta nesesario pa seguridat di tur e trahadónan di kontratistanan.

Promé ku a lansa e proyektonan, a pèrkurá pa informá e habitante i komersiantenan di e areanan di rekonstrukshon debidamente. E tres (3) seshonnan di informashon a tuma lugá djaluna, djamars i djarason (17, 18 i 19 di ougùstùs) último.

Durante e seshonnan, Servisio pa Obra Públiko, Kontratistanan i Kuerpo Polisial, a duna informashon riba e plannan di rekonstrukshon, e posibel inkumbiniensianan i desviashon den tráfiko. Ademas, VVRP ke a hasi uso dje oportunidat pa haña reakshon di pueblo. Un ehèmpel di esaki ta e reto di awa ku ta keda para na Oude Caracasbaaiweg ora áwaseru kai.



KOMUNIKADO PA PRENSA

Fecha

21 di ougùstùs 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

Den e kaso spesífiko aki Servisio pa obra Públiko ta sòru pa solushoná esaki huntu ku e pòmp di awa di kloaka ku tambe sa dañu.

Un biaha mas Minister Camelia-Römer, huntu ku VVRP, ke a gradesí pueblo di Kòrsou pa nan kompreshon pa e posibel inkumbiniensianan ku por surgi durante e rekonstrukshonnan.